

第一冊

卷首

氏

序  
舊志序  
姓氏  
舊志姓  
凡例  
目錄

聖製

上諭紀

恩

綸誥

卷一

星野志  
有圖  
附詳異

重修尉氏縣志序

州縣之有志非徒矜考据示體裁備掌故  
云爾也夫名爲州縣必合一州一縣而知  
之必合一州一縣而周知之知其星野則  
可以順天時而布政令知其沿革則可以  
叅古制而酌時宜知其疆域則可以攬形  
勝而肅防守知建置之分合則廢者可以

尉氏縣志

序

一

次第興矣知學校之創設則缺者可以次  
第復矣賦役有籍知生齒繁而休息必有  
其方也職官有表知責任專而考成不容  
旁貸也選舉公則人材接踵可以知一邑  
之文獻人物詳而節孝有傳可以知一邑  
之風化至若各臣之奏議詞客之詩謠前  
人之碑記鄉賢之序傳以及銘表雜著各

類或採其譚論或賞其詞華或者考其形勢  
或助其見聞無不類分而條貫援古以證  
今如此則一州一縣之事無不知無不知  
則周一州一縣而知之矣志書之設所關  
於吏治者豈淺鮮哉尉氏彈丸邑也據中  
州之腹沿革分併代有明文惟地當孔道  
土狹而民貧則所以教養而保聚之者在

乎相其土宜而權其輕重也蒞斯土者能  
毋展卷深思而惕然臨之乎顧自前令衛  
高二君纂修後迄今百七十餘年不無殘  
缺遺漏之憾劉明府厚滋集紳士劉恒毓  
等設局修輯未成而量移以去沈明府淮  
踵其事以增以補而全書以成請序於予  
予時方議修省志公餘緝閱見其詳畧得

體有典有則可以資將來之取裁而助予  
之所欲周知而未能盡知也故於其書之  
成爲弁數語以誌之

道光十一年歲次辛卯清和月朔有三日  
河南巡撫崇陽楊國楨撰

重修尉氏縣志序

邑之有志猶國之有史也於以考制度省風土覘禮俗而政教興焉昔樊綽撰雲南志周滂撰臨安志洪遵撰東陽志以及梁益志作于任弁涇川志作于王楙凡官于其地而爲之者代不勝數然非詳于故典精于訪求兼才學識三者必不敢作作亦尉氏縣志

序

四

不足信今而傳後尉氏縣志舊無傳本前令衛君紹芳高君桂纂於我

朝定鼎之初徵獻考文搜羅不易遺漏率多不無郭公夏五之憾距今百七十餘年矣列聖相承治法大備風淳俗美其間沿革不一

廢置因時有未登諸篇者甚夥非主政教者所急宜講明切究者乎夫莫爲之前雖

美弗彰莫爲之後雖盛弗傳歲己丑余自  
東都移守是邦適尉氏大尹劉君厚滋集  
紳士劉恒毓等謀所以補葺之甫經啟局  
旋奉檄移劇去余嘉其志而惜其未竟也  
繼其任者沈君滌甫下車卽詣局踵其事  
爲之網羅舊失補綴新聞因前志成規簡  
者增之佚者補之誠一邑之信史較舊志

煥然改觀矣書成請序于余余嘗謂創始  
旣難成復不易沈君之勤于採訪也雖極  
之深山窮谷僻壤偏隅寒門細族苟有一  
名一節可傳者無不徵諸輿論攷諸碑記  
載筆而誌之是其制度以詳風土以厚禮  
俗以成而政教之興實權輿于此然則余  
曩之嘉劉君者今卽以之嘉沈君且與衛

高兩尹竝垂不朽也近

中丞楊海梁先生方議修省志尉氏有志  
既明且備足資異日取材行將上之輶軒  
登之彤管永附

國史以傳矣豈僅規一邑之盛舉已哉是爲  
序

誥授朝議大夫知開封府事心舟存業撰

尉氏縣志

序

六

道光十年歲次庚寅秋八月

重修尉氏縣志序

志以紀實也紀實則以質不以文宜簡不宜繁俾閱者供考鏡而資觀感斯爲得之  
余於己丑秋來蒞尉邑適前令雨岑劉君與邑紳劉觀察有重修縣志義舉事方創始雨岑量移懷縣而昇其責於余余考尉志初本纂於明永樂十六年其後正統成化嘉靖間屢有刊本今皆無存矣

尉氏縣志

序

七

國朝順治四年邑令衛君紹芳因嘉靖殘本而輯成之十五年高君桂又奉文重修二書俱存然當

國朝定鼎之初草昧初開未盡詳備迄今又閱百七十年星移物換因革相循生聚化導制旣不一而名儒碩彥貞女烈婦以及

鴻篇鉅製叠出其間若不增葺恐逾久胥  
就湮沒誰之責與此兩岑與觀察慨然之  
心亦余所亟於樂爲者也時新鄭孝廉王  
君海樓掌教蓬池書院相與商確纂輯復  
令邑之紳耆廣爲採訪於是因舊志闕者  
補之畧者詳之間有義例不甚允諧者刪  
正之書成爲卷若干增舊志三之二焉第

恐採訪未周仍有不愜於心者然此百七  
十年間其人其事其爲治之因革滋息之  
繁盛已具見梗槩矣尉鄭邑也春秋時冠  
裳盟會珠槃玉敦率集於此緇衣好賢遺  
風存焉以故士勵廉隅俗敦古處漢唐以  
來若蔡阮諸賢挺生不一籍期土者覽川  
原之秀沃撫往哲之芳徽考文徵獻披卷

瞭然庶風氣日上仰足以副

聖天子重熙累洽之治下亦可無愧鄉先生之  
懿範是則余之厚望也矣

道光十年歲次庚寅小陽朔知尉氏縣事  
會稽沈淮撰

重修縣志記畧

嘗思一統志本通志通志本縣志者也縣志無傳則諸志鮮所依據縱有鴻才欲憑臆斷得乎尉於中州特彈丸邑耳然北連梁苑作省會之屏藩南控潁川爲往來之衝要崗巒起伏波流滌澗靈秀所鍾代有聞人登步兵之臺過中郎之里往往慷慨

歔歔想見其爲人其他忠孝節義政事文章載在簡冊更僕難數惜志一修於順治戊子再修於順治戊戌嗣是以來寥寥無聞夫陵谷之變遷無常戶口之增減靡定以及幽光潛德星霜遞易碣斷碑荒後之人將於何攷鏡焉不可謂非一大憾事也先大夫嘗有意乎是以王事倥傯歲月靡

暇比致政歸來與二三老友道及輒畫其  
輪廓謂舊志流寓外徙不分門類又任瓌  
張公謹兩廟墳墓班班可攷抑且子姓繁  
衍明係占籍尉氏自宜載入鄉賢列之名  
宦義殊未安欲手輯一編質諸同志卒不  
果蓋距今又三十餘年矣歲乙酉

兩岑劉侯攝篆是邑政通人和利興弊革

尉氏縣志

記畧

十二

既嘗修葺黌宮鼎新書院增築城垣建置  
廂堡矣閱縣志而慨然曰邑之有志所以  
誌典禮辨沿革平賦稅均徭役表微闡幽  
下培閭閻之風俗上佐

朝廷之治化激揚之權於是乎在乃百七十  
年來曾不識及守土之責其謂何時予需  
次都門侯走書告予謀資費所出而纂輯

之予得書踴躍者數四侯之惠吾邑者至矣而復汲汲於此舉是閭邑之幸先大夫幾經低徊而賁志以歿者也諸所煩費敢不勉爲措辦急肅札復命侯遂稟報 各憲延請諸文士蠲吉開館非常之事必待非常之人豈不信哉無何侯陞任邢邱勢將中寢會 初園沈侯以名孝廉膺

簡命來守茲土德政文章與侯後先輝映有苔岑蘭臭之契甫下車卽詣館與諸文士反覆商酌更添請採訪數人務期虛心延訪遠不遺而近不濫政務之暇取稿之未允者親爲釐訂蓋侯饒著作才而尤恢廓大度樂全善舉故能踵事增華相與以有成也逮脫稿將付剞劂 撫府兩憲暨邑侯

各有序言弁簡首予不敢言序惟是生長  
於斯快覩盛舉之成又念先大夫之志籍  
以克慰爲述其顛末如此伏願隸斯土者  
砥各行礪廉隅追踪前哲增光邑乘俾輶  
軒採風太史執簡嘖嘖於尉有人焉以仰  
副

聖天子作人之化則區區之所厚望也夫

尉氏縣志

記畧

三

道光十一年歲在辛卯荷月莫生六莢  
原任湖北督糧道邑人劉恒毓

重修尉氏縣志序

周景濂

志所以紀載古今甚重也凡山川形勝人物風俗城池祠宇貢賦詞翰之類莫不賴是以傳成化辛丑祁州劉公來尹尉氏蒞政之暇索志而觀其間或信而誣或贖而穢幽失之闕遺失之采感而嘆曰志紀一邑之事志而不詳何以志爲乃請余同寅李君暹叅攷古今事實於諸文字中見其魯魚豕亥者校正之不遺餘力如分野風俗形勝舊志所闕者則填寫之文廟重修兩司剏建舊志所未及者則序次之以至科貢士宦之名城池舖舍之類畧者遺者詳之收之卽景物以畱題因惑疑而致辨志成將刊而傳之屬余於序竊以書之禹貢地里區域旣各有定周禮職方輿圖地志尤有所作千載而下觀者可想見其盛尉氏縣志

卷首 舊序

况今聖朝四海一家六合同春靡不稽首職貢其盛爲何如哉此志之修他日可備皇圖萬分一之故實越千萬世而不磨焉安知其不爲禹貢職方也邪昔紫陽朱子出守南康下車卽以志爲問論者謂知所重今大尹劉公六事克盡百廢具興恒篤意於斯蓋能心紫陽之心非賢曷克以臻茲是宜乎序

成化二十  
年十

月上  
浣日

重修尉氏縣志後序

魏宏詔

嘉靖二十七年四月壬戌余承檄來攝尉氏縣事尉氏劇邑也  
方將與吾民相憇息而舊令尹曾子嘗屬長教汪子同其鄉進  
士傅子馬子孫生胡生戎生輩所志邑之山川人物之類未之  
完編士民惓惓以是請余維邑之有志猶家之有乘國之有史  
也源委世系經緯時事何可一日廢之不舉矧復舉凡立例而  
爲之業有次序者乎乃以十月踵而爲之不三月告厥成書夫  
志不易爲也在昔馮掌教李司訓二志遠則百三十載近亦餘  
六十載矣去今積有年所豈真乏吏治與史筆乎良以吏非其  
職不得爲職非其時不及爲時非其人不當爲人非其才不  
可爲才非其學不能爲學非其識不足爲故通鑑資治鑑錢  
尉氏縣志

卷首 舊序

二

致言頭白可期汗青無日此皆前轍之爲可見也今日之志設  
非曾尹之以勤相先諸子之以賢相讓又果何足以永紀載之  
傳而副士民之望乎哉余也愧非其職而得道其責且得附名  
其末斯亦不謂之不幸

梓邑乘紀事

不佞簿書吏也於石渠諸太史無能爲役以謗劣之資當衝罷之邑執掌不皇豈暇文事蒙撫臺憲令徵修邑誌預戒以因陋就簡雖有前令成書不敢唐塞蓋緣志所紀者雖僅一邑之事實於國史相關典至鉅也追維爲博士弟子時讀史記服其善序事理辨而不華質而不俚文直事核故謂之寶錄而彪固父子猶訊其是非謬於聖人載讀漢書喜其臆而不穢詳而有體使讀之者齎齎而不厭而後世亦訊其排死節否正直視遷之輕仁義賤守節者抑又甚矣噫二子以千載良史猶不免於遺議况謫陋如某乎是以聞命飲冰不勝隕越焉且尉卽彈丸然百里疆域代有沿革千室戶版時有增減運會風俗淳漓遞移

尉氏縣志

卷首 舊序

三

今古人文隱顯叢集安能以一足一目徧履其地而廣爲搜羅也於是敦請宿紳廣延英異蠲吉開局朝蒐夕討不佞以履畝之暇應務之餘時就局而商確焉據舊乘參群書諮幽隱汰訛蕪事必核實文必存雅分類列卷按次定函朞月而脫稿繼自今我疆我里經界庶可辨與我戶我齒民數庶可覈與遺風流俗或賴以砥勵而維與人物文章或賴以品題而傳與自幸借手諸君可以報命上臺矣然下里寫刻率多笨伯恐貽累作者因之遣使四出物色南工付之以剞劂之任無柰嚴寒粟冽硯涸金折搦管者不便揮毫秉斲者難於游刃不免稽遲時月自戊戌中秋肇始至己亥中春而始殺青焉事旣竣矣應記始末次名筆之後庶幾貢獻上臺悉其不逮之繇免於不敏之戾